

廣德州志卷九

營建志 學校三

學校 三

明倫堂萬厯志舊在 文廟後明成化十年知州周瑛始遷於廟東闢學圃市民田而增之題明倫堂匾宏治七年署州事甯國同知葉元復重建為堂三楹堂東壁嵌以臥碑東為興詩齋成樂齋祭器庫西為立禮齋會饌堂書籍庫案今堂五楹東西齋庫及明臥碑均無前為道義門門東為題名記房圯為訓導宅西為遷學記房圯今建陸侯修學

廣德州志

卷九

學校

一

碑亭

案今題名記碑陸侯修學碑及亭均無存惟遷學記碑現砌在道義門右牆內

又前為儒

學門門與廟皆南向嘉靖四十一年巡按劉以楫徙向

東南隅萬厯十五年以後知州陸長庚段猷顯仍徙向

南

案據此則陸長庚乃復徙向南與段猷顯同為改正之人前李天植碑及楊門李志直書庚辰州守陸公

用形家迎巽秀之說其誤益見矣

門之西為段侯修學碑亭案碑及亭

今俱無

國朝順治九年奉文刊立臥碑於明倫堂之左曉示諸生

楊志儒學大門十二年冬學正黃如馨訓導凌質改復

舊向

案萬厯志載萬厯年間已改復舊向矣此時不應再改楊志此句恐有誤

其儀門久圯

康熙四年知州楊苞學正荆振日重建繚以垣墻視舊
加壯麗焉仍題匾額爲道義門案康熙二十四年知州
朱國柱重建明倫堂有記附後李志雍正六年知州丁勺
曾學正胡伯炯重建明倫堂工未竟八年署州事徐敦
蕃繼成之案乾隆四十六年知州石應璋學正朱裕觀
重修明倫堂五十五年知州胡文銓捐俸重修道義門

胡志咸豐末燬光緒二年重建新纂

國朝宋國柱重建明倫堂記畧國柱下車之日首先視學
登斯堂也覩棟梁之將頹悼垣墉之盡毀岌岌乎有不
能朝夕之勢卽與博士及諸弟子謀所以修葺之道而
縫掖中有鬚眉甚古視履秩然者揖而進曰堂之建在

廣德州志

卷九

學校

一一

成化十年距今幾三百年矣中間亦屢修葺而僅事外
貌塗飾木之不堅而腐者不能易陶冶之積久而潰者
不能更至於今不可復支非更新不可莫若易之便予
曰易之固善而所費浩繁民力恐不任奈何則又曰明
公熟圖之此邦之父兄子弟猶可使也凡諸艱苦之役
請以身任於是國柱卽捐俸爲之倡兩博士轉相告語
勸率其子弟爲之屬材擇堅瓦甃務厚工師選良典
是焉集財於是焉辦木材擇堅瓦甃務厚工師選良典
守必慎錢穀之屬司出入者無爽胥靡之役均勞逸者
有法民情子來若趨父母而堂乃告成事焉計始事於
乙丑歲之三月落成於本年之八月爲費子金凡九百
餘兩同事經營者廣文王君佶沈君曾成其博士弟子
之出力飲助者甚多而趙生先簡爲第一例皆得書不
佞國柱因得伐石以紀歲月康熙二十四年乙丑之秋
八月奉直大夫知廣德州
事三韓朱國柱撰碑現存

附明倫堂鐵鐘明景泰三年知州鄭賢等造有銘今存

大成殿中至現在明倫堂之鐵鐘其宇跡已鑿損諦觀之乃祠山廟鐘也

明倫堂鐘銘範鎔其金鏗錡其音晨昏有節壯觀儒林景泰三年四月八日造知州鄭賢同知宸泰判官郭翔吏目章文瓊學正孫達訓導焦榮鄭傳

尊經閣楊志 文廟後西北舊為元妙觀明嘉靖四年判

官鄒守益徙觀於東郊即其址為尊經閣案湛若水撰記見藝文

凡三間六楹下為明善堂萬曆志明善堂即尊經閣下舊有匾額今不存 東西

翼以號房十一楹案今無號房 會之以門為復初書院案今無門

題額 以訓多士嘉靖二十年判官王杏主水西會嘗聚講

廣德州志

卷九

學校

三

其中案水西會係甯國講學會名王畿龍溪集中稱嘉靖己酉赴水西之會浹旬相告歸復量諸友地里

遠近月訂小會圖有終也據此知水西會中人散處他邑者各就近處月為小會時王杏以御史謫任嘗奉督

學馮天馭檄覈復初書院田其所謂主水西會想為水西月會之主也又王畿桐川會約稱鄒東廓判廣德建

復初書院為講學之所畿嘗三過桐川與諸友相會至萬曆初畿赴水西會過桐吳同春為州守挽留之檄遠

近諸友凡百餘人大會於復初書院是閣中聚講之盛自嘉靖至萬曆數十年中其會殆難更僕數矣楊志所

載特記甯國之會亦嘗舉於是閣耳 萬曆十年禁立書院以閣與書院混

議即毀十一年知州方沆重修未竣以遷秩行十二年

知州陸長庚修葺之二十年知州段猷顯重葺四十年

知州李得中重建今圯案楊志分尊經閣復初書院為二於復初書院詳敘鄒東廓建

閣至李得中重建于尊經閣則曰文廟後規制壯麗
甲于一郡知州張嗣誠倡建今圯似前明閣與書院竟
有兩屋細按之名雖二而實則一不應分敘且稱張嗣
誠倡建考張嗣誠接李得中任李甫重建張何倡建之
有旣言閣創于鄒而又以爲李志康熙五十八年知州
張倡矛盾甚矣故削而不書

周在建學正吳甯謐重建案今閣在文廟正北較嘉
靖間文廟西北舊址則又稍東矣閣凡五間甚宏敞
閣前繚以圍牆中爲門卽康熙年間所建者其西北基
地舊被陳姓佔去三分餘乾隆五十七年學正王其福
訓導吳景濂詳請知州胡文銓勘丈因係隙地姑免折
讓仍令每年出租立案

廣德州志

卷九

學校

四

附冊魚鱗

在城都壹圖天字壹百柒拾玖號尊經閣基東
至官溝南至聖殿西至官塘北至長柒拾弓貳
尺橫貳拾捌弓積壹千玖百柒拾壹弓貳尺計地捌畝
貳分壹厘叁毫叁絲叁忽天字貳百拾伍號官地東
至尊經閣南至灌巷西至許地北至官塘長貳拾叁弓
橫拾弓積貳百叁拾弓計地玖分伍厘捌毫叁絲叁忽
天字貳百拾陸號官塘東至尊經閣南至官地西至施
牆北至董牆長拾玖弓橫拾捌弓積叁百肆拾貳弓計
塘壹畝肆分貳厘伍毫

書目 奉頒書籍
按年列後

上諭三十五本

聖諭廣訓一本

孝經衍義三十本

四書解義九本

易經解義十八本

朱子全書二十本 以上康熙
年間頒

駁呂留良四書講義二本 雍正十
一年頒

欽定書經傳說彙纂二部三十二本

廣德州志

卷九

學校

五

欽定春秋傳說彙纂二部四十八本

欽定詩經傳說彙纂二部四十本

御纂周易折中二部十七本

御纂性理精義二部十本

御纂朱子全書二部六十四本

日講四書解義二部二十四本

日知薈說二部八本

二十一史全部五百本 以上乾隆
五年頒

十三經註疏全部一百二十本

欽定學政全書八本
以上乾隆六年頒

明史一百十二本
乾隆七年頒

上諭四十八本
乾隆八年頒

欽定四書文二十二本
乾隆九年頒

聖廟樂章一本
乾隆十年頒

御批通鑑綱目二部一百六十本
乾隆十年頒

御撰資治通鑑綱目三編四本
乾隆十年頒

御纂三禮義疏一百二十八本
乾隆二十年頒

磨勘簡明條例八本

廣德州志

卷九

學校

六

御製樂善堂集十八本
以上乾隆二十五年頒

欽定學政全書二部二十八本
乾隆二十年頒

御選唐宋詩醇二部四十本
乾隆二十九年頒

御纂詩義折中二部十六本

御纂周易述義二部八本

御纂春秋直解二部十六本
以上乾隆三十一年頒

御製文初集二部三十二本

御製詩初集二部四十八本

御製詩二集二部九十二本
以上乾隆三十二年頒

御製平定準噶喇碑文

御製平定回部碑文 以上乾隆三十二年頒

欽定滿漢對音字式一本 乾隆三十八年頒

南巡盛典四十二本 乾隆三十九年頒

御製文廟碑文

續增科場條例一本

磨勘簡明則例一本 以上乾隆四十四年頒

御製平定金川碑文 乾隆四十五年頒

禹貢指南二本

廣德州志

卷九

學校

七

絜齋毛詩經筵講義一本

漢官舊儀一本

帝範一本

農桑輯要三本

海島算經一本

夏侯陽算經一本

直齋書錄解題十六本

傅子一本

甕牖閒評二本

拙軒集二本以上乾隆四十六年頒

欽定學政全書十二本乾隆四十七年頒

處分則例一部乾隆四十八年頒

御批續通鑑綱目十六本乾隆五十五年頒

萬壽衢歌樂章三本乾隆五十六年頒

科場條例十六本乾隆五十七年頒

案萬厯志開載書籍有四書集注或問性理大全五倫書孝順事實文獻通考爲善陰隲易大全易大義書傳詩傳春秋傳胡傳禮記傳學史居業錄大禮纂

廣德州志

卷九

學校

八

要大禮集議祖訓綱目前漢書後漢書漢文選唐書唐文粹文章正宗大學衍義補大明會典皇明政要三蘇文集杜氏通典欽定教條等書皆不載冊數且並未分儒學存貯與書院存貯也**楊門志**列儒學書籍有性理大全三十本五倫書六十二本孝順事實二本文獻通考五十九本爲善陰隲書口本周易十二本書傳十本詩傳十二本春秋十六本禮記十八本大學二本中庸二本大禮纂要二本大禮集議四本又復初書院書籍有性理二十本綱目四十本前

漢書二十六本後漢書二十四本唐書五十本五代史八本孔庭纂要二本傳道粹言二本程氏遺書六本龜山集三本延平問答二本朱子語錄四本近思錄二本小學二本象山文集五本文章正宗十本薛子粹言二本胡子粹言二本白沙詩教三本一峯文集二本甘泉樵語一本二業合一論一本甘泉二論二本傳習錄二本大學古本一本說文字原一本六書本義二本六書正譌二本射禮儀節一本諭俗禮要一本訓蒙詩要一本復初書院志一本名臣言行

廣德州志

卷九

學校

九

錄二本其數較多於萬厯志而俱云今無則總歸烏有矣李志照楊門志開載而刪去今無二字是但借久經煨燼之書以鋪張學校書院縹緗之富既失之誣而康熙雍正年間

欽頒書籍若干部反未登載更屬疏謬今詳載列年奉頒書籍俾知閣中所藏度以供肄業者皆出

聖朝恩賚云

敬一亭萬厯志明倫堂後舊有退省軒嘉靖十一年知州胡萬里改建是亭貯世宗皇帝敬一箴碑及程子四箴

范氏四箴注碑萬曆四十年知州李得中重修楊志今
圮案碑亦無存

觀德亭萬曆志在萬桂山前稍東訓導署後舊爲射圃建
是亭今圮

射器

弓一十六

矢六十四

布侯一

乏一

旌一

朴一

福一

鹿中一

廣德州志

卷九

學校

十

豐一

筐一

觶三

罇二

卓一

洗盆一

籌八十

斯禁一

磬一

鐘一

鼓一

琴一

瑟一

笙二

簫二

壎二

案萬曆志列射器二十四具見當日觀德名亭非虛

語也楊志列其目而云今無則兵燹以後與圖籍並歸烏有矣今雖亭器俱無而存此以徐圖修復云

學正署萬厯志在文廟西廡後案即今復初書院基也明知州彭

棟重建案在嘉靖年間萬厯二十三年知州段猷顯修楊志歲

久而圯

國朝康熙四年知州楊苞捐俸一百兩學正荆振日捐俸六十兩及諸生助貲重建於文廟東前有講堂三間

楊苞題額曰考亭重構後茶軒三間內署五間膳廚七

間案今五間耳房五間前大門房五間案今三間額曰談經清署

廣德州志

卷九

學校

十一

楊苞有建署碑記案今額俱廢碑現存案乾隆二十六年學正許

南宮重建茶軒改為五間五十六年內署圯耳房亦久

廢知州胡文銓學正王其福各捐俸併諸生助貲重建

內署仍增耳房五間胡志道光十三年學正潘遵禮募修

二十五年學正趙對澂詳請借攤銀貳百兩重修裕志咸

豐末燬新纂

楊苞新建學署碑記署廣德稱江左大州兵燹以來學署頹傾明倫堂儀門亦圯予拜瞻宮側憮然曰是予責

也謀之廣文荆先生卜基於梁陶膏以甃凡堂室廓阿聖殿東隅諷辰鳩工伐堅以

齋廬庖湏既完既佚計助工役三之一又拮据冰俸二百金修建明倫堂之儀門整葺青雲樓之垣牖今日振

新在十餘年圯蕪之後予與荆君倡之郡士響應士固多思皇之美而荆君於經師人師之道蓋兩得之矣於是麗之署庭以爲記

楊志

訓導署萬厯志在道義門東明知州范昌齡建

案在宏治年

案萬厯志訓導署有三首載道義門東一署卽今訓

導現居之署也又載一在明倫堂西齋後知州張仲

建一在尊經閣東判官鄒守益建考明訓導三員故

建三署

國朝定制訓導一員署宜廢二而存一乃楊門李志均稱

舊訓導署三今俱圯似三署無一存者又稱茅茹書

廣德州志

卷九

學校

十二

院在明倫堂東康熙五年士民公建在楊志成於康

熙六年時訓導適奉裁其稱舊訓導署固宜至茅茹

書院在明倫堂東明係卽道義門東訓導署改爲之

者乃故爲模糊以博創建之名陋矣門李修志之時

訓導已復設書院諒已復爲署而秉筆者猶抄襲楊

志原文不增改一字疏謬尤甚今查署中後樓三間

耳房二間棟梁已舊當係昔嘗名爲茅茹書院之後

屋也其講堂三楹則乾隆二十八年訓導徐谷鑑重

建樑上題識現存堂右茶軒三間中有乾隆十四年

知州曾尙增爲訓導史化鳳題君子居廬額或係史
嘗修葺乾隆五十八年訓導吳景濂重修增造門房
志嘉慶十四年訓導周德隆添建書屋三間額曰芝
蘭之室二十三年遭大風屋壞道光五年州紳士募
捐重建二十五年訓導吳欣曾詳請攤銀貳百兩重

修裕咸豐末燬新纂

萬桂山萬厯志在明倫堂後明成化十年知州周瑛所築
案訓導賈暹撰記今附後以補地形之陋手植萬桂期於多賢山之

命名以此山巔爲凌雲峯有天游亭中題萬桂山石刻

廣德州志

卷九

學校

十三

系以銘焉凌雲之東爲龍首嶺龍首左嶺名朝陽凌雲
右嶺名橫秋前麓中有澄心右有顧影左有浴鳳三池
後麓有蘭陂松徑雪竇潛蛟窟之泉清而冽冬夏不涸
雪竇上瑛題源頭活石刻及判官涂相詩刻在焉雪
竇前有古意亭二亭俱圯萬厯十四年知州陸長庚重
建今圯李志康熙二十二年知州朱國柱重建案今亭
俱無存桂亦銷亡矣惟周瑛題石及朱國柱詩碑現存
朱詩剝落可讀者僅三首耳

明賈暹萬桂山記郡侯周先生既遷學復治圃學後地
日委土而阨倚之將以補後之虛迎前之實庶與堪輿

家言合土委積日加崇鉅聯絡如阜然先生曰是不可
無名因號爲萬桂山山之峯最高者凌雲之東有
峯昂然若回顧狀曰龍首嶺自西如梯倚者曰橫秋東
如虹掛者曰朝陽山之因窪而池之澄心曰顧
影又觀德亭也西負橫秋嶺者鄉賢祠也上薄凌雲可
瞻眺及於無際者天游亭也於是州學形勝備矣既畢
功先生又覲京師秋九月連雨山址逼後垣水暴下怒
不可泄山非遠計乃盡壓明年春得官錢市龔氏地以
言曰是誠非遠計乃請於巡撫公得官錢市龔氏地以
廣學圃培山之址深如洞出所愛石二舁置洞中其色蒼
生輦石覆之其深如洞出所愛石二舁置洞中其色蒼
積如漾沙曰雲濤雲濤雨則蒸石滴乳成者泉淳涵
洞中得石味益清先生題曰雪竇之重峯纍纍如疊壁引
復書源頭活水鑱之石雪竇之上重峯纍纍如疊壁引
其麓環於前廓其中以爲臺臺之北有洲彎彎如野兕
角上植梅花外爲崇墉墉之下爲渠渠通外河其口爲

廣德州志

卷九

學校

十四

石櫺水散入汨汨可觀雪竇溢醜其委與渠合渠繞山
其日夜流不息渠盡處爲斗門以時隄闕水觸石淙淙
有聲可聽先生以高才屈小州能不鄙夷其民而教養
之使數十萬戶熙然無愁歎之聲乃以餘力成茲勝事
每公暇詣學考課已乃登山徘徊瞻眺下酌泉而飲之
如圭如璧宜人信其爲大雅君子哉遷學事先生既文
之以石矣謂此細事宜不足護焉若先生所以未暹因
備述以示後之君子知所愛護焉至若先生所以未暹因
命名皆有期勉諸生之意在諸生遊於斯息於斯其亦
有會於心哉不然玩以喪志荒以廢學則非先生所以
興學育才之本心矣楊志

國朝朱國柱有萬桂山詩

存忠亭萬厯志在復初書院鄒先生祠後東隅舊爲王靜

學懷忠祠今廢萬厯二十五年知州段猷顯移王靜學

合范文正眞西山周翠渠爲四先生祠卽懷忠祠舊址

新剏此亭後有銀杏樹正修撰死節之樹因名亭曰存

忠仍立詩匾弔之案今亭樹俱無存
互詳名蹟

靜觀亭萬厯志舊在復初書院
楊志作橋後判官鄒守

益建楊志今圮

毓秀河萬厯志在儒學前永樂九年知州楊瀚案職官志作翰廓

地鑿河宏治二年知州辛禮易民田而增廓之萬厯十

五年知州陸長庚又增鑿河之南名以毓秀東盡學田

五畝五分西易李棟田四畝二分視舊河加三之二焉

水自西而東折經梯雲橋繞於儒學北又濬龍門水入

廣德州志

卷九

學校

十五

會龍池歷文明溪會於北水關後水關以久雨之故外

水沮洳反滄田禾因塞焉學前河干舊有曲檻已廢知

州段猷顯於河上栽桃李河中種蓮規制益偉

附冊魚鱗在城都壹畷天字壹百陸拾貳號學塘東至青

雲樓南至學田馬田西至塘埂北至 長柒拾伍弓

橫叁拾伍弓積貳千陸百貳拾伍弓計塘拾畝玖分叁

厘柒毫伍絲 天字壹百陸拾玖號小學塘東至馬田

南至官塘西至石橋塘北至馬田長肆拾壹弓橫東捌

弓西肆弓貳尺積貳百伍拾肆弓貳尺計塘壹畝伍厘

玖毫壹絲陸忽 天字壹百柒拾叁號學塘東至馬田
南至平步橋西至學基北至橋溝長柒拾弓橫拾捌弓
積壹千貳百陸拾弓計塘伍畝貳分伍厘

以上胡志案各種書籍及禮器俱已燬失

續頒書籍

吏部處分則例一部 嘉慶元年頒

學政全書一部 嘉慶元年頒

御諭一本 嘉慶三年頒

禮部則例一部 嘉慶四年頒

廣德州志

卷九

學校

十六

國子監則例一部 嘉慶四年頒

御書聖集大成墨刻 嘉慶五年頒

御製邪教說 嘉慶六年頒

科場條例一部 嘉慶九年頒

御諭一本 道光三年頒

御書聖協時中墨刻 道光三年頒

御製平定三省墨刻 道光八年頒

以上裕志案各種書籍已失

新修安徽通志一百二十本 光緒五年頒

忠義節烈表 節孝待旌錄 共七十本

廣德州志

卷九

學校

十七